

Vischnaunca da Trun



Regulativ da biblioteca Trun

2023

Cuntegn

Art. 1	Num e purtadra	3
Art. 2	Egualitad dallas schlatteinas	3
Art. 3	Intent ed incarica	3
Art. 4	Purschida	3
Art. 5	Tecnica bibliotecara	3
Art. 6	Survigilonza	3
Art. 7	Cumissiun da biblioteca	4
	a) cumposiziun	4
Art. 8	b) incarica	4
	c) cumpetenz	4
Art. 9	Caubibliotecara, bibliotecaras	4
Art. 10	Diever	5
Art. 11	Reglament da diever	5
Art. 12	Localitads	5
Art. 13	Entradas	5
Art. 14	Expensas	5
Art. 15	Preventiv e quen	5
Art. 16	Cass da dispeta	6
Art. 17	Garanzia	6
Art. 18	Entrada en vigur	6

I. Determinaziuns generalas

Art. 1

Num e purtadra Sut il num „Biblioteca Trun“ exista ina biblioteca che vegn purtada dalla vischnaunca da Trun.

Art. 2

Egualitad dallas schlatteinas Las indicaziuns davart persunas, funcziuns e professiuns en quest regulativ serefereschon ad omisduas schlatteinas.

Art.3

Intent ed incarica La biblioteca intermediéscha cudischs e medias d'informaziun, da scolaziun e da divertiment a carschi, alla giuventetgna ed als affons. Ella presenta quels cudischs ed ulteriurs mieds en ina fuorma plascheivla ed en ina localitad adattada.

Ella survescha ton sco biblioteca da scola sco per emprests publics.

Art. 4

Purschida La purschida duei esser varionta e vegnir cumpletada e renovada regularmein, sinaquei che la biblioteca disponi da cudischs actuals e medias actualas.

Art. 5

Tecnica bibliotecara La sistematica, la presentaziun, la catalogisaziun e la cudischaziun ston s'adattar alla tecnica generala dall'Associaziun Svizra da bibliotecas (SAB).

II. Organisaziun

Art. 6

Survigilonza La survigilonza suprema cumpeta alla suprastonza communal, ferton che la survigilonza directa ei surschada alla cumissiun da biblioteca.

Art. 7

Cumissiun da biblioteca La cumissiun secumpona da mintgamai in delegau dils suandonts gremis:

a) Cumposiziun

- Suprastonza communal Trun
- Cussegl da vischnaunca Trun
- Cussegl da scola Consorzi da scola Sumvitg-Trun
- Corp d'instrucziun Consorzi da scola Sumvitg-Trun
- Cumissiun per fatgs da cultura Trun

Ils delegai vegnan elegi mintga 3 onns el turnus dallas elecziuns communalas e quei dil cussegl da vischnaunca. La cumissiun seconstituescha sesezza.

La cau bibliotecara assista allas sedutas dalla cumissiun cun vusch cusseglionta. Ella meina il protocol.

Tier egualitad da vuschs dat il president la decisiun e quei senza risguardar sia vusch gia dada.

Art. 8

b) Incarica

La cumissiun da biblioteca

- survigilescha tuts fatgs dalla biblioteca
- procura per la publicaziun da plazzas vacantas
- propona l'elecziun dil personal per mauns dalla suprastanza communal
- relai in reglament da diever (medias) ed ils carnets da duers dil personal
- approbescha il preventiv annual sco era il rapport da menaschi e presenta tals alla suprastanza communal per approbaziun
- prepara in reglament per las indemnizaziuns adequatas dalla cau bibliotecara e dallas bibliotecaras per mauns dalla suprastanza, il qual fa part sco annexa da quest regulativ

c) Cumpetenz

La cumissiun da biblioteca ha la cumpetenz da contrahar directamein cun autoritads ed instituziuns. Ella ei autorisada da far expensas el rom dil preventiv, approbaus dallas autoritads communalas.

Per damondas da tempra principala drova ei il consentiment dallas instanzas communalas.

Art. 9

Caubibliotecara, bibliotecaras

La cau bibliotecara meina ensemen cun las bibliotecaras la biblioteca. Lur incaricas e cumpetenzas vegnan fixadas en ils carnets da duers.

III. Diever, localitads e finanziaziun

Art. 10

Diever

Mintga habitont sa far diever dalla biblioteca. El ei denton obligaus d'observar il reglament da diever. Plinavon san era habitonts dallas vischnauncas vischinontas e hosps far diever dalla purschida.

Art. 11

Reglament da diever Il reglament da diever fixescha las relaziuns denter il client e la biblioteca, en special il dretg da diever dallas medias, il temps d'avertura, il temps d'emprest, las taxas ed ils castitgs.

Art. 12

Localitads La vischnaunca metta a disposiziun las localitads necessarias e procura per lur manteniment. Il diever dil local sedrezza tenor il reglament pil diever da stabiliments communal.

Art. 13

Entradas Las entradas ordinarias dalla biblioteca secumponan:

- d'ina contribuziun annuala da vischnauncas vischinontas
- d'ina contribuziun annuala dil Consorzi da scola Sumvitg-Trun
- dalla contribuziun dil cantun
- dallas taxas d'emprest
- da donnaziuns
- dil recav d'arranschaments en favur dalla biblioteca

Art. 14

Expensas Las expensas ordinarias secumponan ord:

- la cumpra da cudischs e d'indrezs
- ils cuosts per material
- las indemnizaziuns dallas collaboraturas
- las expensas da propaganda

Art. 15

Preventiv e quen Preventiv e quen dalla biblioteca vegnan integrai el quen communal.

IV. Disposiziuns finalas**Art. 16**

Cass da dispeta Davart cass da dispeta decida en emprema istanza

- la cumissiun da biblioteca en fatgs che pertuccan lecturs,
- la suprastanza communal en fatgs che pertuccan la cumissiun da biblioteca ed il personal.

Art. 17*Garanzia*

La vischnaunca garantescha per las obligaziuns che seresultan en connex cun la biblioteca, aschinavon che las perscripziuns vegnan observadas. Ils commembers dalla cumissiun e la caubibliotecara portan negina responsablada finanziaria persunala, aschilunsch ch'ei setracta buca da falliments commess sapientivamein.

Art. 18*Entrada en vigur*

Quest regulativ da biblioteca ei vegnius approbaus dil cussegl da vischnaunca en la seduta dils 21-08-2023.

El remplazza il regulativ da biblioteca dils 01-07-2007. Quest regulativ passa en vigur ils **01-01-2024**.

Trun, ils 21-08-2023

En num dalla suprastanza communal Trun



Il president communal
Dumeni Tomaschett



La canzlista communal
Sandra Gautschi